

CICIKOANBADIEGU

BULICINA FASO

Taanma - Findima - Teginma

GUVENEMA MASOAGINDO

**BAALO KOANBALA
TAANLI
JAGA DOAGIDIMA**

(PP-G/TRANS N°018-2024)

Rimitaliba Jan Emanuweli WEDARAWOGO

Li binli 2024, cimuu 29 daali, Wagadugu pó

Baalo Koanbala Taanli den kali Wagadugu
nani ban maani ki tiedi maama dana lele kuli,
Li binli 2024, o ɻmaalo cimuu dana 29, alaalibu daali,
ki cili leeri 9 yogunu ki ban gbeni leeri 14 leni miniti 03.
Kapitenni Ibarayimi TARAWORE, yua n tie ti Diema
Yudanciamo leni a Koanbala Taanli Liigiyua
n den gobidi laa taanli.

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po, ki puni u sanu
bi niba n gedi dietoama nni ti Diema yeli po.

.

L. A JAGA

I.1. YAA KOANBADIEGU N DIE TI DIEMA LENI DIETOAMA SIIGA TUGINMA TUONA LENI TI DIEMA NIBA YAABA N YE DIETOAMA NNI MAAMA.

A koanbala taanli tuo **tiwaankaana taa** (03).

Li **ciciwaankaali** tuugi leni yaa tili n doagidi ki mia ki baa dini li bali Esipaañi Diema tondo ke o baa kali Bulicina Faso nni tinba leni bani tuginma tuona po.

A koanbala taanli tuo ke ban dini **Antoniyo JILEN HIDALIGO**, ke wan tua Esipaañi Diema tondo ki kali Bamako, Mali diema nni.

Li **tiwaankalieli** tie yaa **balimaama ke bi bogidi** yaali n baa pa u sanu ban ban kaani " mi findima ligidiegu Seliter Afiriki (BDSHAF).

Seliter Afiriki tie ligituonsoanjaali ke li kali li binli 1982 Abija nni ke li yantiali ñani Afiriki diema piilie n bonbinii (28) kani, Afiriki ligidiegu yaagu n tuuni mi findima po (BAWI) leni Afiriki tuonjaali yaali n tuuni "asiransi guapandima" (ARICA -RÉ). Ku tuonkpiali tie ki tua u gaapokpialu i ligi tuona nni, i tundi ki go lingi ki baa yaa diedi yaa dunga n mani ki go dagidi Afiriki nni.

Ti diema Bulicina Faso nni, Seliter Afiriki ciani "Yaa tuonjaali n die mi mààma maama leni yaa diena n maa kubili (SOCOGIB) li binli 1999 leni ban yi yaa ligidiegu " Banki de Labita" li binli 2015 ki todi i ligi ke bi maa ti diedi.

Ki njoadi leni binli kuli laa ligidiegu n yen pia yaa taancianli, mi taabuapiinaa n yenma (41) taancianli ke li den kali Jinbabuwe. I ligi tuonsoanba den taa li jagili ki baa guani ki diidi laa tuonjaali n cuoni maama ke lin fidi ki yaa tuuni bonjanla ki cie ke a tuona mo n yaa go yegi leni ti diedi maama ligi n lebidi maama. A sanbipaana den taa ki tuugi leni laa ligidiegu boginli po li binli 2023 cipiiga nni Alije po.

Lan bogini maama, laa juogu taanitaama baa todi:

- ki guani ki teni Seliter Afiriki n lebidi ki ɲoadi yaa dogi n den kaani gu n den cili ki pia yaa nunlema. Laa nunlema mo den tie ki kaani Afiriki nni tuonsoanjaali mi findima sanbili ki go todi leni i ligi ti diedi maama po.
- ki lebidi SAHAFI yeli « yaa tuonjaali n die ku tingbangu boginli leni ti diedi maama Afiriki nni (Seliter Afiriki) laa ligidiegu » n ji tua « Yaa ligidiegu n die mi findima maama Seliter Afirik » (BEDESAHAFI);
- ki doagidi canyi BEDESAHAFI nunlema leni wan baa yaa cuoni maama nani wan tie yaa tuonjaali n todi leni i ligi ki go kpendinni mi findima ke li tie ki todi yaala n baa todi mi kpedisuagima ki tuugi leni ti diedi leni mi findima i dociami nni leni a dobila nni Afiriki yenma nni kuli.

Bulicina Faso tuoma laa tili po baa todi laa ligidiegu n doagidi ku yanjagili ti diema n yaa baa ki tie yaa diema n cili ki kaani laa ligidiegu ki go todi ti diema paalu ki tuugi leni i ligi todima baalo leni pia o bonla diedi maama po ki tuugi leni yaa balimaama n ye.

A koanbala taanli taani ki tuo ban soagini laa tili Depiteenba nuntuali.

Li tiwaankataali tuugi leni miabu tili ke ban pa u sanu ban ñii yaa tili n tie ku danligu baalo leni bonceli danba n taani ki soani (PPP) leni Aliyansi &Co tuonjaali ki tagi ti diema Bulicina Faso niba yaaba n ye Kodivuadi diema nni nunmu tila ya ke oba kan fidi ki tieni ki togidi.

Bulicina Faso Guvenema ñii yaa tili n loli ku danligu baalo leni bonceli danba leni SINEDAYI-BULICINA tuonjaali li binli 2013 ciyia o dana 11 ke bi baa tagi mu nunmu tila bi canba po, yaa tila ke oba kan fidi ki tieni ki togidi. Li den bili ke laa tuonjaali baa tagi mu nunmu tila miliyon bonbitaa leni tuda piimuu (3050000), ama li tagi nunmu tila miliyon bonyendo leni tudakobiyia n piinaa n tudamuu n piilele n bonbilele bebe ki cili ɣali li binli 2023 ciyia o dana 10 daali.

Ki tuugi leni yaa paka n kali laa tuonli soanma nni, guvenema jagi ke bi kan guani ki pandi SINEDAYI-BULICINA tuonli. Aliyansi - Co tuonjaali den mia ke ban cedi wan suagi o tuonli ki yaa tiedi mu nunmu tila bi canba po leni PPP.

A koanbala taanli den tuo ki ñii li tili ki tuugi leni yaa danligu n loli baalo leni bonceli danba leni Aliyansi & Co ke ban suagi ki yaa tagi mu nunmu tila bi canba ti diema Bulicina Faso niba yaaba n ye Kodivuadi diema nni po, ya ke oba kan fidi ki tieni ki togidi,

A koanbala taanli go puogi yaa koanbali n die laa maama n ñanbi ki bogini nani lan bua maama ke SINEDAYI-BULICINA n tieni ki dudi mu nunmu tila ya n sieni.

I.2. YAA KOANBADIEGU N DIIDI TI DIEMA LOAGU, I LIGI LENI A TUONBOGINKAANA

A koanbala taanli taa **ñoamabonataa (3)**. Lani n tie:

- **yaa ñoamabonli** n sieni yaa ligi n ña ki todi yaala n tie Baalo n ki bani yaa kpenkpendicaga po (FASI).
- **yaa ñoamabonli** n sieni yaa ligi n ña bi nipanba yanjaga todima po (FA YIJI);
- **yaa ñoamabonli** n sieni yaa ligi n ña a tuona findima po (FAPE).

Yaa lebidima n kali yaa koanbadiegu n diidi u gbanansaagu jeliti tuona leni bi nipanba tuona maama teni ke bi kaani yaa ligi n baa yaa ña mi diema yeli po ke bi yini laa ligi " Faso Kuna -Wili" (FKW). A koanbala taanli den taa laa jagili li binli 2023, cipiiga o dana 18. Laa ligi tie yaa bonla n baa ciani bi nipanba, bi puoba leni yaaba kuli n tuuni bi yucela po u kpendu sanbila nni ki tuugi leni ti tiacandi bi li boncanla tienma.

« Faso Kuna -Wili » ligi cenli fuuli baa teni ligicaga taa todima n sedi. Laa ligicaga tie: yaa ligi n ña yaali n tie yaa caga n ki yegi leni Baalo boginli todima

po (FASI), yaa ligi n ña bi nípanba yanjaga todima po (FAYIJI) leni yaa ligi n ña a tuona findima po (FAPE).

Laa ligicaga todima sienma baa cuani yaa niba n den tuuni laa caga nni kuli n den pia yaa masienkaama bi tuona po n sedi.

A koanbala taanli puogi yaa koanbali n die laa maama n taa yaa sanbila n baa todi mi piama kubijanli leni yaa niba n tuuni leni yaa ligi n ki yegi leni Baalo boginli, yaa ligi n ña bi nípanba yanjaga po ki pugini leni yaa ligi n ña a tuona findima po.

Laa ñoamabona taama cua ki sieni laa ligicagitaada todima ke lan fidi ki todi " Faso Kuna -Wili" ligi n soani o tuonli ke li tiegi.

I.3. YAA KOANBADIEGU N DIE TI BUUDI LENI O NISAALO N PIA YAA SANBILA TUONA, KI TUUGI LENI A TUONSOANJAANA

A koanbala taanli ñani **tiwaankaali** ke li tuugi leni ki pa u sanu ban tieni mi biigima ki taa ti buudi tidianla li binli 2024 yaa ninni.

Laa biigima beginma baa todi ti buudi tuonli paalu n pugini ki tuugi leni yaaba n tuuni.

Li binli 2024 yaa niinni, yaa miabu n kali ki biigi ki taa bi tuonsoanba po tie:

- ti buudi tidianyudanba **bonbipiiga** (10) leni ti buudi tidianla bonbipiiga (10) ki tagini leni ti buudi tidianla biigima po.
- ti buudi tidianla **bonbipiinaa** (40), ti buudi tidianla todikaaba leni ti buudi saliwuudinba **bonbipiiluoba** (60) ki tagini leni ti buudi tidianla biigima.

A koanbala taanli tuo ban biigi ki taa laa tuonsoanba nani ban mia yaa coali n de maama li binli 2024 nni. Ban baa biigi ki taa yaa tuonsoanba tie yaaba n bi cili ki tuuni ti buudi tuonsoandiedi nni leni yaaba n daa tuuni baalo nni.

I.4. YAA KOANBADIEGU N DIIDI MI TAGIMA TUONSOANDIEDI FINDIMA, U KPENDU TUONA LENI U NUU TUONSOANBANMA

A koanbala taanli ñani **ñoamabonalié (2)** ke li kpiali sieni yaa tuonsoandiegu n tuuni mi ñima tuona leni a dojaana boginli (AGETEERI) ama kaa kuadi li. Li lieli mo kaani yaa tuonjaali n gobidi ti diema luana leni ti baadi kpaandi boginli (OYENIBA).

Yaa tuonli n bogini ki guuni bu kpaabu leni leni yanwubili ki pugini leni mi ñima tuona mi jeñanma sanbili nni, guvenema taa a jaga ki fidi ki baa pundi ban bua ki pundi naani. OYENIBA kaanma tie laa sanbili yaa ninne. O nunlema tie ki jaligi ki tigini mi ñima baama po ki go ñanbi a luana leni yaa tuonsoandiedi n biidi.

OYENIBA ye yaa koanbadiegu n diidi bu kpaabu, li yanwubili leni mi ñima maama soangu nni yo. O tuonñiali baa yaa tie ki soani Baalo yeli nni leni Baalo tuonsoanjaana , a tinjaana leni a niba, a nicaga leni yaa cagili kuli n pia u sanu baalo bi bonceli daano sanbili nni, poroseenba (purojenba) leni a tuona bogina, yaa tuona n tuugi leni yaaba n tie a tuona soanma liiga yaaba, yaaba n tie a tuona leni a tuonjaana ti diema nni canbaanba.

OYENIBA kalima baa bolini Yaa tuonsoandiegu n gobidi mi ñima tuona leni a dojaana boginli tuona siiga tiama. Ki go pugini leni o piama tenma OYENIBA li ñandunli nni.

Laa ñoamabona taama sieni yaa tuonsoandiegu n tuuni mi ñima tuona leni a dobila boginli ki go pugini leni Baalo tuonjaali kalima " a luana leni ti baadi kpaandi boginli" lan tie OYENIBA.

I.5. YAA KOANBADIEGU N DIIDI KUURAN TUONA LENI MU TINMU TUGU NNI PIAMA TUONA

A koanbala taanli tuo yaa **tiwaankaali** n tuugi leni yaa miabu n bua ban pa u sanu tuonjaayenli ke lin yaa ñandi wula leni a masinbila ; bi yi laa tuonjaali " SAMISI" ke li tie BIRIBA HAMIDU E FIRIEIRI SARL tuonjaali.

Laa tuonli n baa soani yaa tinfanma po tie hekitaari bonbipiiga ; li tuonli yeni tie ki yaa ñanbidi yaa joagindi n ña wula ñanma tuona nni Yako dogu nni. Ban baa yaa ñanbidi laa tandi naankani baa yaa tie Urigu-Manega yaa kominno nni, lan tie Ubiritenga porovenso nni, Pilato santirali resiyon nni.

Laa tuonli baa waagi bina naa po ki ñani yaa wula yaa kpiagu n pundi kg 32,256.

II. I LAABAALITENKE

II.1 Baalo Saliwuudo leni yaa tuonsoanba n gaani i Ȱmapani yema Ȱamu koanbali puni a Koanbala Taanli u laabaalu ke ti diema Bulicina baa gedi Afiriki Koanbala Taancianli ke li tuugi leni o nisaalo saala yema beginma (SIPERESI) mi piitaa n taataama (33) li binli 2024, ciliuba 12 daali, Seneevi dogu po Suwisi diema nni.

Piiga n Diema nii (18) n ye Afiriki Taancianli cagili yeni nni o nisaalo saala yema beginma po ke li kaanjigi ye Lome, Togo po. Laa cagili tuonli tie ki yaa faami ki go gobidi li o nisaalo saala yema beginma tuonsoanjaana piiga n diemanii (18) yeni nni ki nan tuodi ki taa a jaga mi ligipoadima po leni yaa yanbani n baa fidi ki cua diema kuli n ni.

SIPERESI cagicianli yeni pia tuonsoanjaana 26 yaa n diidi o nisaalo saala yema beginma sanbila nani ti diema nni yaa tuonsoandiegue n ye o nisaalo saala yema beginma po yeni ke bi tua SENESESI leni Yaa tuonsoanba n gaa bi fuodima litiguonsoandiegue ban yi yaagu KARIFO.

II.2 I laabaali, ku Maasuagu, leni Yanluadi goada tuona Koanbali puni a Koanbala Taanli yaa laabaalu n tuugi leni ti diema n bogindi yaa badu yanluadi goada tuonsoanla panpaani mi taaluobima (6) po li binli 2024, ciyia Ȱmaalo, o dana 20 daali Wagadugu kani.

Laa badu dunla binli 2024 po mayuli tie « **Yanluadi goada leni ti maasuadi buoli buoli, lan tie li sanbili i nibuoli taanma po** ».

Laa mayuli sugini ki teni yanluadi goada n yaa kpendi nni mi yanduanma a nicaga siiga ke u juogu, mi tunginma ku maasuagu buoli nni, mi tuoma, li fangili leni mi gbadima mo ye bi niba leni biyaba siiga.

Li boncanla laa badu dana tie ke li Taancianli baa luodi bi niba kuli po leni li bogili cagili yaali n yegi leni li mayucianli. Lankuli baa go yegi leni li Ȱandunli nni Yanluadi goada daali taalima 44, Ȱanduna dogi taayema cagili ban yi yaali ONI n gagidi yaa daali yanluadi goada po ke li mayuli mo tie : « Yanluadi goada leni mi Yanduama »

II.3. Ti diema Loagu, ti Ligi leni a Tuonboginkaana Koanbali togidi a Koanla Taanli Bulicina Faso n den gedi yaa taana li ɻandunli ligijaali (EFEMI) leni li ɻandunli ligibuabuana (banki) cagili n maani ki tieni yaa taana tontongu kuli, li binli 2024, cimuu15 daali, Wasintonni dogu po, Ameriki diema nni.

Laa taana teni ke yaabi n den gedi ti diema yeli po fidi ki baa taa leni bi taantieba kuli a sanbila li ɻandunli ligicaali (EFEMI) leni li ɻandunli ligibuabuana mabilikaama ɻoadima po. Bulicina tonda go den taani ki kali leni i ligi todikaaba boncianla nani li ɻandunli ligibuabuanaa, li ɻandunli ligijaali, mi findima ligibuabuana leni bonceli danba caga liigi yaaba.

Yeni, li ɻandunli ligibuabuana den doagidi ke o ligicagili yaali n ye dunliya todima po (SEFI) sugini ki yaa todi ti diema guvenema leni bonceli danba caga ban moandi ki yaa suagi liiga leni yaa tuona n cili, nani Sina Soleeri tuontaali juodima, li moandili danba todima sanbila leni a ligidiebila todima.

Li yaapo ti diema tonda den mia li ɻandunli ligibuabuana ligicagili yaali n ye dunliya todima po (SEFI) n todi ti diema n baa ki bogini tuonjaatiama nani SOTIRAKO, SAPI OLENPIKI leni Bulicina biakaabi (Eeri Bulicina).

Yaa beginli n den kali leni li ɻanduli ligibuabuanaa yeni den luodi laa ligibuabuanaa todima sani ti diema findima tuoncaga po nani bu kpaabu, li yanwubili leni a ñinbonfuoda kubili, kuuran leni u cogu sanbila.

II.4. A Bonwaala cogu, ti Maamaamaama cogu leni ti diema Mabuoli findima tuona Koanbali puni a Koanbala Taanli yaa laabaalu n tuugi leni a cogibila biigima bogida li binli 2024 po.

A cogibila biigima cili ɻali cimuu ɻmaalo o dana 2 daali leni ku gbanansaagu yaa kpajala, ki baan gbeni cilele o dana 5 daali leni BAKI yaa biigima.

Yeni, KAPI, BEEPE leni BEPESE yaa biigima baa cili ciluoba dana o4 daali ki ban gbeni nani tin taa maama ciluoba o 14, 15 leni 17 daali. A bonwaala Serifika biigima baa cili ciluoba dana 04 daali ki ban juodi o 13 daali. BAKI mo yaa biigima baa cili ciluoba 18 daali ki ban juodi cilele dana 05 daali.

Li binli 2024 yaa cogibiigima po, yaa cogibila n baa biigi taanma tie **cogibila 728 264** ki nan sua yaa li binli 2023 yaali n pendi, bikuli taanma den tie 753 606. Lan bua ki yedi ke mi biigima po yaa cogibila n wadi dunla tie cogibila 25 342. Yaa cogibila n diani dunla li binli 2024 yaa cogibibiigima po coali tie **bonpola 402 602** leni **bonjala 325 662**.

Bi tuodi ki gedini mi biigima tuonsoantiadi kuli tin baa gedi naankani, ke yaaba n ye mi biigima boginli nni n fidi ki loagidi a masindiankaana ñiima n baa fidi ki cuani yaa paka kuli hali ke u yogunu da ye.

II.5. A Cogibigbenga cogu leni mi bancianma lingima tuona Koanbali puni a Koanbala Taanli **laabaali taa (03)**.

U **cicilaabaalu** tuugi leni yaa boginli n baa tieni Josefi KI-SERIBO Cogibigbenga cogidieciangu kani ke li tie ban teni laa cogidieu gobidikaaba interneti tuginma tuonsoandiedi li binli 2024, ciluoba14 daali.

Li binli 2022, a Cogibigbenga cogidieciandi den waani ban bua yaala interneti tuonli po. A cogibigbenga go den pugini laa miabu li binli 2023 nni, ciyendo o 17 daali mi diema yudanciamo kani, Kapitenni Ibarahinmi TALIWALI nintuali, wan den kaani yaa bogili Josefi KI-SERIBO Cogibigbenga cogidieciangu kani.

Li tie yene ke yaa cagili n todi a cogibigbenga cogu (PAYESI) ñani yaa ligi n koa interneti tandima sanbila nni a Cogibigbenga cogidieciandi leni mi bancianma lingima po.

Laa cagili n todi yaa ligi bua ki pundi miliyaari bonbinaa leni miliyon piimuu n biyia n tuda piiyia n tuda taa n kobimuu n piinii (**K 4 059 093 580**) ban yi yaala wifi dadiigedinma kaani yia (**09**) Cogibigbenga cogidieciangu piiga (**10**) leni mi bancianma lingima po.

Wayiguya yaa kaanu bebe n daa baa tuginma ke li yegi leni bi tindanba leni Ledeya Berinaari WEDIRAWOGO Cogibigbenga cogidieciangu yaaba kaa gbadi yaba maama.

U laabaali lielu yegi leni ban bogini yaa daaga yi tiidi bonbuopaani kuadima po li binli 2024, ki cili cimuu o 30 daali ki ban pundi ciluoba o 02 daali.

Laa daaga mayuli tie : « **I bonbuopaani todima bu kpaabu, li yanwubili leni mi ñima nni bonfuoda guunli tin ye yaa jama ke li tie yanyagidi leni jepoadi** ». Laa daaga beginma baa teni bi kpakpaaba leni yaa niba n tuuni bu kpaabu sanbila nni kuli n bandi a lingida n ñani yaa bonbipaani u yogunu lebidima po.

U laabaalitaalu tie togida leni ti diema n den ban kali yaa taanli yi tundi leni mi bangima li bonpanli leni bu kpaabu sanbila nni, ki cili li binli 2024 cinaa o dana 02 daali ki gedi dana 06 daali Abija po, Kodivuari diema nni

Laa taanli den tieni ban yi yaa porose ASESI yeli po. Ki bangi bi niba yaala n tuugi leni li bonpanla kubima bu kpaabu sanbila nni baa pugini mi banma yaa niba kuli n pia li moandili mi lingima nni.

Yaaba n den kali li taanli yeni kuli den baa mi banma ki pugini bu kpaabu sanbila lebidima n pia yaa ñuadi po. Laa bangima baa teni yaaba n den kali li taanli yeni kuli n taani leni ASESI porose yeni ki todi Bulicina Faso n taa yaa sanbila n baa todi mi bandima leni mi lingima findima po.

II.6. Mi Gaanilindima, mi Ñima leni i Yianbonfuodi bolinma tuona Koanbali togidi a Koanbala Taanli yaa laabaali n den ñani Bulicina Faso n den gedi ñanduna diema Taancianli mi jiema leni bu kpaabu po li binli 2024 ki cili cimuu 18 daali ki ban juodi o dana 20 daali Raba dogu po, Maroki diema nni.

Laa Taancianli mayuli den tie : « **ki baa bonjekaamoanla bu kpaabu sanbila nni, kali lebidimoanma n tieni bi kpakpaaba kuli po** ». Laa taanli yogunu ti diema den fidi ki doagidi ti muali n poa ki da naani leni u yogunu lebidima po.

Li taanli yogunu, Bulicina faso tonda den baa li lenli ki boeni leni Maroki Koanbali yua diidi bu kpaabu, mi ñinboanma jankpaanli, taliginba findima leni li fuali tuona. Bi boeli den tuugi leni man diema lie yeni, diema kuli n teni man

bani leni man nua yaala mi gaanilindima nni, li fuali leni mi ñima sanbila nni, ki go le ban baa tieni maama Maroki leni Bulicina diema dalingu n yaa pugidi.

II.7. Ku Gbanansaagu jeliti tuona, bi Nipanba leni a Tuona Koanbali puni a Koanbala Taanli laabaali taa (03).

U cicilaabaalu tuugi leni Bulicina Faso gedima Pari li binli 2024 ku gbannansaagu jeliti po.

Mi piitaantaataama (33) bannansaagu jeliti yaadi n baa cili cilele o 26 daali ki ban gbeni cinii o 11 daali, Bulicina Faso baa gedi leni niba muu (05) yaaba n ji mali ki gandi nani li balimaama n bili maama. Lani n tie Hugi Fabirisi SANGO leni Mariti Yasimini KOALA, mi nuama po, Fayisali SAWADOGO leni Ibirahimi MAYIGA karate po, leni Rayinatu MONE a tadima gbanansaagu jeliti po.

Mi piiga n taayenma nne ke ti diema baa gedi laa jeliti, i nilanbuoli kuli taanyenma po, ke paadima bakuli ki ye. Ti diema kpa mali ki baa ti jeliti yeni panpaani laani, Hugi Fabirisi SANGO tie bontogidikaala leni ti kumoandi laanu baama li binli 2020 yaa jeliti Tokiyo dogu nni.

A Koanbala Taanli miadi yaaba kuli n diidi ti jeliti yeni maama n pugini li moandili ti diema n didi baa laa jeliti nni. Bi go miadi Bulicina maabila kuli ki ban cie yaaba n ye ku gbanansaagu jeliti nni kuli n fii nani niyendo yeni ki tiebi yaabi n ca mi diema yeli po ban fidi ki jeli ki baa.

U laabaalilielu (02) tuugi leni ti diema n bogindi yaa gbanansaagu jeliti saala lebidu po mi taaliema li binli 2024, ki cili cinii o dana 8 ki ban juodi o 17 daali Bobo po.

Nipanba tuda taa (3000) bi mo ki cie yeni leni bi bangikaaba yaaba n ñani bangicaga kobiga n piimu nni ti diema resiyon 13 nni n baa cua ti jeliti yeni po.

Yaa jelicaga n yegi leni mi diema gbanansaagu jeliti boginli mi taaliema saala lebidu po n tie na : li ballipuali, u nuu ballipuali buoli, li muali, mi nuama leni li kutanjagili.

Laa jeliti n tie saala lebidu ku gbanansaagu nni gaapo, ki go baa teni i jelibuoli n yaa pia taanyenma mi banma tandima po Bulicina Faso resiyonba nni.

U laabaalitaalu (03) yegi leni ti diema Bulicina n den gedi Afiriki nintuali dogi tataanbalipuali piiga n bina lele (17) bila po, li binli 2024 ki cili cimuu 15 daali ki ban juodi o 28 daali Akara dogu po, Gana diema nni .

Diema 7 n den kadi laa balipuali po. Lan tie Bulicina Faso, Benen, Gana, Kodivuari, Niseeri, Najeliya leni Togo. Ti diema Bulicina n den kua i dogi yeni kuli liiga, li yaa po teni ke ti baa ki gedi Afiriki dogi kuli taanma ballipuali yaali n baa taani bina 17 bila, li binli 2025 nni.

A Koanbala Taanli tuondi ti ballipuala leni bicanbaanba laa baama po ki go miadi ban pugini li aniali yaa yoginu n gbendi po.

III. BAN DINI YAABA A BALA

III.1. YAABA N BAA LI BALI TUONCELI PO

A. YAA KOANBADIEGU N DIE TI DIERA LENI DIETOAMA SIIGA TUGINMA TUONA LENI TI DIERA NIBA YAABA N YE DIETOAMA NNI MAAMA

- **KABORE** pua Maliyama **WEDIRAWOGO**, o lanba baalo tuonli nni tie **51 012 N**, ki tie maasoagindo-bundikoa, bi dini o li bali ke o tie mi maama bundima leni mi soaginma bi tuonsondieu kani liiga yua.
- **SANON** pua Moniki **WEDIRAWOGO**, o lanba baalo tuonli nni tie **51 013 A**, ki tie maasoagindo-bundikoa, bi dini o li bali ke o tie mi maama bundima leni mi soaginma nikpelo;
- **ANDONABA** pua Ayida **KONATE**, o lanba baalo tuonli nni tie **222 254 P**, ki tie maasoagindo-bundikoa, bi dini o li bali ke o tie mi maama bundima leni mi soaginma nikpelo;
- Nibè-nêe Solasitiki **SOME**, o lanba baalo tuonli nni tie **59 228 R**, ki tie maasoagindo-bundikoa, bi dini o li bali ke o tie mi maama bundima leni mi soaginma nikpelo;
- Dibasin Eseni **BASOLE**, o lanba baalo tuonli nni tie **222 252 M**, ki tie maasoagindo-bundikoa, bi dini o li bali ke o tie mi maama bundima leni mi soaginma nikpelo;
- **MFAYAMA** pua Hama Maliyama **NATAMA**, o lanba baalo tuonli nni tie **200 459 N**, ki tie diema leni dietoama siiga tuginma tundikoa, bi dini o li bali ke o tie Bulicina Faso anbasadeero cicitundikoa, Berilen, Alimaňi diema nni;
- Norawogo Jan Batisi **GAGIRE**, o lanba baalo tuonli nni tie **200 453 S**, ki tie diema leni dietoama siiga tuginma tuona tundikoa, bi dini o li bali ke o tie Bulicina Faso Saliwuudi Tondo cicitundikoa, Wasintonni, Ameriki diema nni;

- Wendiayami Sarilemaňi **KONBANTANGA**, o lanba baalo tuonli nni tie **212 223 D**, ki tie diema leni dioama siiga tuona tuginma tundikoa, bi dini o li bali ke o tie Bulicina Faso anbasadeero cicitundikoa, Berilen, Vatican diema nni;
- Suly Desire **SAWADIGO**, o lanba baalo tuonli nni tie **216 586 Z**, ki tie diema leni dioama siiga tuginma tuona tundikoa, bi dini o li bali ke o tie Bulicina Faso anbasadeero cicitundikoa, Abuja, Niseeria diem anni;
- Jan Mari **BAKUAN**, o lanba baalo tuonli nni tie ki tie **216 583 R**, ki tie diema leni dioama siiga tuginma tuona tundikoa, bi dini o li bali ke o tie Bulicina Faso anbasadeero cicitundikoa, Paari, Falansi diema nni;
- Taba **DOYE**, o lanba baalo tuonli nni tie **216 584 E**, ki tie diema leni dioama siiga tuginma tuginma tundikoa, bi dini o li bali ke o tie Bulicina Faso anbasadeero cicitundikoa, Otawa, Canada diema nni;

B. YAA KOANBADIEGU N DIE TI BUUDI LENI O NISAALO N PIA YAA SANBILA TUONA, KI TUUGI LENI A TUONSOANJAANA

- Rene 1 Tiripile **BAKIONO**, o lanba baalo tuonli nni tie **113 352 P**, ki tie ku kpaadidieg (pagididieg) guudima canbaa, bi dini o li bali ke o tie ku gbanansaagu jeliti, i nii bontagikaala leni ku maasuagu tuona yudaano ;
- Deni **BAGA**, o lanba baalo tuonli nni tie **98 064 T**, ki tie ku pagididieg guudima canbaa, bi dini o li bali ke o tie ku pagididieg tuonsoanba gobidima Yudaano;
- Kalimu **TALIWALI**, o lanba baalo tuonli nni tie **245 668 S**, ki tie li laafiali logitociamo, bi dini o li bali ke o tie li laafiali leni mi niňingbadima tuona liiga yua;

- Jalenli **YONLI**, o lanba baalo tuonli nni tie **98 081 F**, ki tie ku pagididieg guudima canbaa, bi dini o li bali ke o tie Banfora pagididieg liiga yua;
- Sààyirnibè Jan Eedi **SOME**, o lanba baalo tuonli nni tie **203 376 K**, ki tie ku pagididieg guudima Canbaa, bi dini o li bali ke o tie Gawa pagididieg liiga yua;
- Nunjoa Luki **WUOBA**, o lanba baalo tuonli nni tie **110 124 V**, ki tie ku pagididieg guudima Canbaa, bi dini o li bali ke o tie Jakpaga pagididieg liiga yua;

C. YAA KOANBADIEGU N DIIDI ENTERINETI LENI A TISOANKAANA TUONSOANDIEDI LENI TELEFONI TUONA KANI.

- Alidu **KUSE**, o lanba baalo tuonli nni tie ki tie **321 570 N**, ki tie lise leni kolesi cogibila canbaa, bi dini o li bali ke o tie i laabaali gobidima tuona liiga yua.

D. YAA KOANBADIEGU N DIE LAAFIA LENI I KAANI DANGU TUONA.

- **DANBELE** pua Esiteli>Editi **DABIRE**, o lanba baalo tuonli nni tie **80 502 N**, ki tie li laafiali logitociamo, bi dini o li bali ke o tie li koanbali tundikoa.

E. YAA KOANBADIEGU N DIIDI MI TAGIMA TUONSOANDIEDI FINDIMA, U KPENDU TUONA LENI U NUU TUONSOANBANMA.

- Umaru **BARO**, o lanba baalo tuonli nni tie **212 299 B**, ki tie tundikoa u loagu tuona sanbila nni, bi dini o li bali ke o tie laa koanbadiegu tidianma yudaano;

- Usimani Umalu **BAARI**, o lanba baalo tuonli nni tie **111 310 J**, ki tie tundikoa u loagu tuona sanbila nni, bi dini o li bali ke o tie li koanbali todikoa
- Sanibè **FAHO**, o lanba baalo tuonli nni tie **119 817 C**, ki tie tundikoa u loagu tuona sanbila nni, bi dini o li bali ke o tie li koanbali todikoa;

F. YAA KOANBADIEGU N DIIDI I SANI TIENMA LENI A DIEGBENGA MAAMA

- Olo Fidanki Erive **KANSIE**, o lanba baalo tuonli nni tie **85 495 H**, ki tie li diemaali tuona bando, bi dini o li bali ke o tie Bulicina diemaana leni i sani (AGETIB) tuona liiga yudanciamo.

G. YAA KOANBALI N DIIDI MI GAANILINDIMA, LENI MI ŅIMA LENI I YIANBONFUODI BOLINMA

- Filipi **TAMINI**, o lanba baalo tuonli nni tie **46 075 U**, ki tie a fuaguura Canbaa, bi dini o li bali ke o tie yaala n ye ti diema nni tingbanu nni guudima liiga yudanciamo;
- **NICIEMA** pua Gesitaaba Pasikalini **CIENTEGA**, o lanba baalo tuonli nni tie **29 648 E** ki tie fuaguura Canbaa, bi dini o li bali ke o tie mi diema Santiri desiyon gaaniilindima liiga yudanciamo.

III.2. BAN DINI YAABA A BALA A TUONJAANA YELI PO

A koanbala taanli dini a bala a tuona gobidima po:

- polisinba cogidiectionli (APE) kani yaa koanbadiegu n diidi ti diema tinbuona, komininba gobidima tuona leni li guunli yeli nni ;
- ti kunkundi tuonsoandiegu (SOFITEKISI) leni mi tuonsoanbanma findima tuonsoandiegu (APENNI) kani, yaa koanbadiegu n diidi mi tagima tuonsoandiedi findima, u kpendu tuona leni u nuu tuonsoanbanma yeli po;
- yaa tuonjaali n tuuni ki yienga leni u faalu kuuran findima (ANERE) leni SONABELI tuonjaali kani, yaa koanbadiegu n diidi kuuran tuona leni ki tinga tugu nni piama tuona yeli po;
- mi tuonsoanbanma cogidiectionli (EPO) kani, yaa koanbadiegu n diidi a cogibigbenga cogu leni mi bancanma lingenma yeli po.

A Koanbala Taanli dini li bali mi tuonsoanbanma cogidiectionli (EPO) kani tuona gobidikaaba liigiyua

.A. YAA KOANBADIEGU N DIIDI TI DIEMA TINBUONA, KOMININBA GOBIDIMA TUONA LENI LI GUUNLI

A Koanbala Taanli taa **jagili** yaali n dini a bala yaa niba n ɻua ne ke bi tua polisinba cogidiectionli (APE) tuona gobidima cagili yaaba mi cilima bina taa (03) po.

BAN DINI YAABA A BALA BAALO YELI PO A TUONJAANA NNI

Yaa Koanbadiegu n diidi ti diema tinbuona, komininba gobidima tuona leni li guunli :

- Wendenmanegide Emanuweli **SONGO**, o lanba li tuonli nni tie **227 558 S**, ki tie polisi komiseeri, o lebibi Koudiyanba Jaki **KIENMIDE**.

POLISI COGIBILA CANBAANBA TONDO

- Wanbi Rolan **SONGO**, o lanba li tuonli nni tie **111 498 C**, ki tie polisi komiseeri, o lebibi Mariseli KAFANDO.

POLISI COGIBILA TONDO

- Sakado Edimon **WEDARAWOGO**, o lanba li tuonli nni tie **109 756 A**, o tie polisi cogibiga ki baa ña komiseeri, o bali waagima yegi leni wan tie a cogibila liigiyua yaa yogunu, o lebidi Tewodori KI.

B. YAA KOANBADIEGU N DIIDI MI TAGIMA TUONSOANDIEDI FINDIMA, U KPENDU TUONA LENI U NUU TUONSOANBANMA

Li taanli taa **jaga lie (02)**.

Li jagikpiali go guani ki dini li bali Laaliba Isa KOBIYAGIDA, o lanba li tuonli nni tie 245 750 S, o tie u loagu kubili bando, ke o tua Baalo tondo a tuona gobidima cagili nni, yaa koanbadiegu n diidi ti diema loagu, i ligi leni a tuonboginkaana yeli po, ti kunkundi tuonsoanjaali (SOFITEKISI) kani mi taabuajuodima bina taa (03) po.

L jagilieli go guani ki dini li bali Hasani **WEDARAWOGO**, o lanba li tuonli nni **111 335 F**, o tie u loagu tuona tundikoa, ke o tua Baalo tondo a tuona gobidima cagili nni, yaa koanbadiegu n diidi ti diema loagu, i ligi leni a tuonboginkaana yeli po, mi tuonsoanbanma findima tuonsoandiegu (APENNI) kani mi taabuajuodima bina taa (03) po.

C. KOANBADIEGU N DIIDI KUURAN TUONA LENI KI TINGA TUGU NNI PIAMA TUONA

Li taanli taa **jaga lie (02)**.

Li jagikpiali dini li bali Fati **SOMA**, o lanba li tuonli nni tie **245 809 V**, o tie a cogibigbenga cogicanbaa, ke o tua Baalo tondo a tuona gobidima cagili nni,yaa

koanbadiegu n diidi a cogibigbenga cogu leni mi bancanma lingenma yeli po, tuonjaali n tuuni ki yienga leni u faalu kuuran findima (ANEREE) kani mi taabuakpiama bina taa (03) po, o lebidi Emanuweli NANEMA.

Li jagilieli dini li bali Daramani **BITIBALI**, o lanba baalo tuonli nni **130 679 D**, o tie juju (bujialo), ke o tua Baalo tondo a tuona gobidima cagili nni, yaa koanbadiegu n diidi kuuran tuona leni ki tinga tugu nni piama tuona kani, kuuran tuonjaacianli ti diema nni (SONABELI) kani, mi taabuakpiama bina taa (03) po, o lebidi Suleyimaani KEERE.

D. YAA KOANBADIEGU N DIIDI A COGIBIGBENGA COGU LENI MI BANCANMA LINGINMA

Li taanli taa **jaga taa (03)**.

Li jagikpiali dini yaa niba n ɻua ne ban kua mi tuonsoanbanma cogidieciyanli (EPO) tuona gobidikaaba cagili nni, mi taabuakpiama bina taa (03) po.

YAA GOBIDIKAABA N TIE BAALO TONDA

Yaa koanbadiegu n diidi baalo saliwudo leni yaa tuonsoanba n gaani i ɻmapani yema ɻamu :

- **NIÑAN** pua Maariti **DAKIYO**, o lanba li tuonli nni tie **216 823 B**, o tie a tuona bala maama bando.

Yaa koanbadiegu n diidi mi tagima tuonsoandiedi findima, u kpenu tuona leni u nuu tuonsoanbanma kani :

- Nabasinogo Gaben **KAGANBEA**, o lanba li tuonli nni tie **303 463 R**, o tie u loagu tuona tundikoa.

Yaa koanbadiegu n diidi bu kpaabu leni li yanwubili tuona:

- Honsonsi Abidulayi **KONE**, o lanba baalo tuonli nni **104 769 E**, o tie bu kpaabu tuona bando.

Yaa koanbadiegu n diidi enterineti leni a tisoankaana tuonsoandiedi leni telefonni:

- Abidulayi **SERE**, o lanba li tuonli nni lie **241 866 B**, o tie a cogibigbenga cogicanbaa.

Yaa koanbadiegu n diidi kuuran tuona leni ki tinga tugu nni piama tuona kani:

- Zeboro **SANSE**, o lanba li tuonli nni lie **358 749 G**, o tie i tinbuoli leni i piama bando.

WAGADUGU NNI MI TUONSOANBANMA COGIDIECIANLI (EPO) COGIBILA TONDO YUA N KUA A TUONA GOBIDIMA CAGILI KANI

- Jungi Culli Loyiki **KABORE**, o tie mi maama leni a tidiankaana masina cogibiga, o bali yogunu tie yenma leni wan tie a cogibila liigiyua yaa yogunu.

YUA N KUA A TUONA GOBIDIMA CAGILI NNI YUCELI TUONSOANCAGILI YELI NNI

Bulicina yuceli tuonsoancaga yudanba Cagili (CNPB) kani:

- Benua-Beni Sidabewende **ILI**, o tie ti diema yuceli cogidiedi liigiyua.

Li diemaali banda Cagili kani:

- Deni **ZUNGARANA**, o tie a luana tienma bando.

Li jagilieli goa ki dini yaa niba n ḥua ne li bali ke ban kua Wagadugu nni tuonsoanbanma cogidiecionli (EPO) tuona gobidikaaba cagili nni, mi taabuajuodikaama bina taa (03) po.

YAABA N KUA A TUONA GOBIDIMA CAGA NNI BAALO YELI PO

Yaa koanbadiegu n diidi a cogibigbenga cogu leni mi bancanma linginma:

- Antuanni **BERE**, o lanba baalo tuoli nni tie **59 229 S**, o tie cogibigbenga cogicanbaa;
- Emanuweli **NANEMA**, o lanba baalo tuoli nni tie **49 129 U**, o tie mi banma lingima liigiyua.

YUA N KUA A TUONA GOBIDIMA CAGILI NNI WAGADUGU NNI TUONSOANBANMA COGIDIECIANLI (EPO) COGICANBAANBA YELI PO

- Mohamedi **BEYIDARI**, o lanba li tuonli nni tie **358 605 F**, o tie cogibigbenga cogicanbaa.

YUA N KUA A TUONA GOBIDIMA CAGILI NNI YUCELI TUONSOANCAGA YELI PO

Bulicina Faso nni u kpendu leni li bontagikaala tuonsoandiedi liigiyaba yeli nni:

- Haruna **TOGOYENI**, o tie Koleesi cogidiena leni a cogibigbenga cogidiena tuona gobidikoa.

Li jagitaali goa ki dini li bali Antuanni **BERE**, o lanba li tuonli nni tie **59 229 S**, o tie cogibigbenga cogicanbaa, ke wan tua Wagadugu nni tuonsoanbanma cogidiecionli (EPO) tuona gobidikaaba cagili liigiyua mi taabuajuodima bina taa (03) po.

Guvenema Masoagindo

Rimitaliba Jan Emanuweli WEDARAWOGO

Le Porte-parole du Gouvernement,



www.sig.gov.bf



Rimtalba Jean Emmanuel OUEDRAOGO

Officier de l'Ordre de l'Étalon